



## INFORMATIVNI BILTEN OPĆINE ILIDŽA

Ilidža • Novembar 2019

• Broj 186



# SVEČANO OBILJEŽEN DAN DRŽAVNOSTI BiH







# Održana svečana sjednica za Dan državnosti



U povodu obilježavanja 25. novembra, Dana državnosti BiH, 22. novembra 2019. godine održana je svečana sjednica Općinskog vijeća Ilidža. Prije samog održavanja sjednice položeno je cvijeće ispred Spomen kosturnice „Veliki park“ te ispred zgrade Općine na Centralno spomen obilježje.

Prisutnim su se obratili predsjedavajući Općinskog vijeća Ilidža Muhamed Omerović i načelnik Općine Ilidža prof. dr. Senaid Memić, koji su svim građanima uputili čestitku za Dan državnosti BiH.

“Dan državnosti nije samo datum, to je i u potiljak ubijeni Bošnjak u Bijeljini, zaklana trudnica Zekira Begić u Bratuncu, to je ubijena porodica efendije Ramića iz Semizovca, to je Hava Tatarević iz prijedorskog sela Zecovi, to je kolektivna dženaza u Hadžićima, Potočarima, Prijedoru. Dan državnosti je i pokojni Blaž Kraljević i Zoka iz Prve Slavne brigade, to je porušeni Mostar to je i ratni tunel i ubijena djeca u Hrasničkom parku. Ali život ide dalje, to breme moramo nositi i za cijenu države se ne pita, jer ona nema ograničenja, jedino što se mora je sačuvati je ona, izjavio je Muhamed Omerović.

“Ovaj važan datum, agresija na našu domovinu, uništavanje i želja za njenom podjelom, negiranje države treba da nas osnaži da jačamo svijest i našoj djeci ulijevamo misao da mi drugu državu nemamo. Apelujem na jedinstvo u njenom očuvanju. Ne dozvolimo da je neki sitni interesi dijele. Životi naših najdražih sinova su položeni za njenu opsto-







jnost, a na nama je da je čuvamo” rekao je, između ostalog, načelnik Memić.

Profesor dr. Sanjin Kodrić, predsjednik Bošnjačke zajednice kulture Preporod podsjetio je prisutne na značaj 25. novembra.

„U suštini ZAVNOBiH je bio prva moderna narodna skupština BiH i to takva narodna skupština čiji je jedan od osnovnih ciljeva bila upravo obnova državnog identiteta, jer treba se prisjetiti neposredno prije ZAVNOBiH-a praskozorje Drugog svjetskog rata, sporazumom Cvetković-Maček iz 1939.godine BiH bila je podijeljena na Banovinu Hrvatsku i buduće „srpske zemlje“, a onda 1941. i do kraja rasturena fašističkom okupacijom, odnosno iznova podijeljena od strane okupatora i njihovih kvislinških saradnika ustaša i četnika “ naveo je Kodrić.

Prema njegovim riječima ZAVNOBiH je iznova ujedinio BiH tj. iznova uspostavio svijest o njezinoj državnoj cjelovitosti i stvorio tako fundamentalne pretpostavke za nastavak državnog postojanja, s njezinom hiljadugodišnjom tradicijom državnosti.

„Istina je da Bosna postoji kao povijesna činjenica, ali i kao činjenica narodne svijesti i da kao takva ona prethodi svakoj drugoj mogućoj široj državnoj cjelini i da jedino Bosna može preostati kao takva. Duh BiH kao hiljadugodišnje državne povijesne činjenice mora se čuvati i širiti posebno danas kada u vremenu se negira ne samo ZAVNOBiH već i njegova osnovna ideja i država BH. Nijedan narod ne može opstati bez svoje domovine, bez svoje države, bez vlastite zemlje, baš kao što ni jedna zemlja ne može opstati bez svog naroda“ izjavio je prof.dr. Kodrić i čestitao svim građanima praznik.

Učenici Osnovne muzičke škole Ilidža i Četvrtne osnovne škole dali su svoj doprinos u program svečane sjednice, kao i istaknuti bh. umjetnik Izudin Bajrović.







## Stipendije za 387 talentovanih učenika i studenata

Općinsko vijeće Ilidža na 32. redovnoj sjednici održanoj 28. novembra u Multifunkcionalnoj sali donijelo je Odluku o stipendiranju talentovanih učenika i studenata u školskoj/akademskoj 2019/2020. Ovom odlukom stipendirat će se 387 učenika i studenata, koji ispunjavaju uslove konkursa i to 143 učenika i 244 studenata. Za ove namjene iz budžeta izdvojiti će se 356.160,00 KM (111.540,00 KM za učenike i 244.620,00 KM za studente). Na javni poziv prijavljeno je bilo 420 kandidata.

## Stipendije i za 137 učenika i 56 studenata

Vijeće je donijelo i Odluku o stipendiranju učenika i studenata slabijeg imovinskog stanja u školskoj / akademskoj 2019-2020 godini. Stipendirat će se 137 učenika i 56 studenata. Za ove stipendije Općina Ilidža obezbijedila je 162.500 KM.

Mjesečni iznos stipendije za učenike je 75 KM, a za studente 100 KM. Stipendije će se isplaćivati 10 mjeseci. Sredstva dodijeljena stipendijom se ne vraćaju.

## Imenovana četiri člana Općinske izborne komisije

Odlukom Općinskog vijeća Ilidža imenovana su četiri člana Općinske izborne komisije: Ibran Avdić, Aida Godinjak, Lejla Bekan i Vanja Milidrag. U skladu sa Izbornim zakonom BiH na ovo imenovanje saglasnost treba dati i Centralna izborna komisija BiH.

## Prijedlog Odluke o utvrđivanju javnog interesa „Izgradnja dva autobuska stajališta uz magistralnu cestu M5-dionica „Gromiljak-Blažuj”

Prijedlog Odluke o utvrđivanju javnog interesa „Izgradnja dva autobuska stajališta uz magistralnu cestu M5-dionica „Gromiljak - Blažuj“ bila je jedna od tačaka dnevnog reda. Vijeće je donijelo odluku kojom se utvrđuje da je od javnog interesa izgradnja dva autobuska stajališta uz magistralnu cestu M5-dionica Gromiljak - Blažuj i da će se pristupiti eksproprijaciji nekretnina.





## Donesena Odluka o razriješenju predsjednika i dva člana Skupštine JP Ilidža i Odluka o imenovanju v.d.

**O**dluka o razriješenju predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa Općine Ilidža „Ilidža“ društvo sa ograničenom odgovornošću, bila je pred vijećnicima Općinskog vijeća.

Tom odlukom Općinsko vijeće Ilidža razriješilo je predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa općine Ilidža „Ilidža“ društvo sa ograničenom odgovornošću zbog isteka mandata i to Hubijar Alvida, predsjednika Skupštine preduzeća, Žujo Mirsada, člana Skupštine preduzeća i Bešić Hidajeta, člana Skupštine preduzeća. Donesena je i Odluka o imenovanju vršioca dužnosti predsjednika i dva člana Skupštine Javnog preduzeća za obavljanje komunalnih i drugih djelatnosti od javnog interesa Općine Ilidža „Ilidža“ društvo sa ograničenom odgovornošću. Odlukom isti ljudi ostaju do okončanja procedure po javnom oglasu za imenovanje predsjednika i dva člana Skupštine.



## Raspisan Javni poziv za predlaganje kandidata za dodjelu priznanja Općine Ilidža

**O**pćinsko vijeće Ilidža raspisalo je „Javni poziv za predlaganje kandidata za dodjelu priznanja Općine Ilidža“. I ove godine dodijelit će se priznanja Općine Ilidža pojedincima i kolektivima za izuzetne uspjehe u razvoju privrednih i društvenih djelatnosti i to: Povelja počasni građanin/građanka Općine Ilidža, Povelja za životno djelo, Zlatna plaketa, Srebrna plaketa, Zahvalnica i Plaketa odbrane.

## Novi članovi komisija Selma Salčin i Faik Hadrović

**I**rma Čenanović podnijela je ostavku i razriješena je sa mjesta člana Komisije za statut i propise Općinskog vijeća, a imenovana je Selma Salčin.

Dino Jajagić razriješen je dužnosti predsjednika Komisije za obrazovanje, kulturu, sport i pitanje mladih zbog prestanka mandata, a imenovan je Faik Hadrović.

## Program rada JP “Ilidža” d.o.o za 2020. godinu

**O**pćinsko vijeće Ilidža na redovnoj sjednici, održanoj 29. novembra 2019. godini usvojilo je i Program rada JP “Ilidža” d.o.o za 2020. godinu. Aktivnosti koje su predviđene Programom rada su: održavanje higijene na zelenim površinama, čišćenje korita vodotoka i potoka, te održavanje javnih česmi, fontana, kao i centralnog spomen - obilježja. Održavanje javnih površina odnosi se i na higijenu sportskih i dječijih igrališta, te farbanje metalnih ograda na mostovima sa radovima reparacije. Program rada za 2020. godinu sadrži instrukcije za ljetno održavanje lokalnih cesta na području općine Ilidža, a koje se odnose na otklanjanje uočenih nedostataka na putevima i cestama, njihovo evidentiranje i reparacija.

## Program rada Općinskog vijeća za 2020. godinu

**N**a posljednjoj sjednici Općinskog vijeća Ilidža razmatran je i Program rada Općinskog vijeća za 2020. godinu, kojim se utvrđuju zadaci Općinskog vijeća, prijedlozi akata koji će biti razmatrani u toku 2020. godine, a koji su u skladu sa zakonom, utvrđenom politikom i ekonomskim razvojem Općine. Za vremenski period od januara do decembra 2020. godine Programom rada Općinskog vijeća 2020. godine predviđeno je razmatranje Prijedloga Odluke o dodjeli priznanja u 2020. godini, Prijedloga Odluke o uređenju dvorišta na području općine Ilidža, te Programa održavanja, zaštite, rekonstrukcije lokalnih i nekategorisanih cesta. Između ostalog Vijeće je utvrdilo i razmatranje tačaka poput: Informacije o provođenju Zakona o pravima demobiliziranih branilaca i članova njihovih porodica za 2019. godinu, Prijedlog plana stipendiranja učenika i studenata slabijeg imovnog stanja u školskoj 2020/2021. godini, Prijedlog odluke o usvajanju regulacionog plana “Riverina-Sastavci”, Odluke o zaštiti izvorišta vode za piće lokalnih vodovoda “Kobiljača”, “Gornje Vlakovo” i “Jasen”.





## Stav načelnika o smještaju migranata u kasarnu u Blažuju

U povodu Odluke Vijeća ministara da kasarnu u Blažuju prilagodi smještaju migranata Općina Ilidža i njen načelnik prof. dr. Senaid Memić osjeća obavezu da iznese stav o tome i obavezu upozoravanja na moguće posljedice.

Općina Ilidža smatra da je briga o migrantima obaveza države Bosne i Hercegovine. Podržavamo rješavanje ovog problema na human i korektan način uz obavezu da posljedice ne utiču na bezbjednost i komoditet lokalnog stanovništva. Obzirom da niko nije komunicirao sa lokalnom zajednicom prije nego nam je donesen problem, izražavamo protest zbog nepoštovanja i omalovažavanja lokalne zajednice.

Na Ilidži postoje zgrade za socijalno ugrožene stanovnike, postoje nelegalna romska naselja, te su svi stambeni kapaciteti dati socijalno ugroženom stanovništvu, a odnos prema lokalnoj zajednici vezan za ove slučajeve je u najmanju ruku aparthejd Kantona prema lokalnoj zajednici.

Kao općina, tražimo odgovornost i garancije za bezbjednost migranata i stanovništva. Ovo znači da policija i zaštitarske organizacije moraju imati potpunu kontrolu nad životom i kretanjem ljudi u kampu i van kampa. Predlažemo da oni koji odu iz kampa gube pravo da se vrate i da se uvede institucija deportacije u matične zemlje onih koji pokazuju da su asocijalni. Predlažemo da se na lokalnom nivou pokušaju angažovati radno - sposobni migranti. Tražimo da se maksimalno angažuju službe i ljudi iz naše lokalne zajednice jer imamo iskustva sa azilantskim centrom koji je bio na našoj teritoriji gdje uposlenima nije bila briga odnos prema vanjskoj sredini i gdje bivši federalni ministar Bašić nije ispunio sve što je obećao. Nadležnost nad radom humanitaraca i volontera mora biti definisana i kon-

## Potpisan Sporazum o regulisanju međusobnih prava i obaveza na realizaciji izgradnje tramvajske pruge Ilidža - Hrasnica

Jedan od najvećih kapitalnih projekata u historiji Općine Ilidža, izgradnja tramvaj pruge Ilidža-Hrasnica uskoro počinje realizaciju. Nakon dugogodišnjeg rješavanja imovinsko - pravnih odnosa na predviđenoj trasi izgradnje, ali i izgradnje saobraćajnice i zelenog pojasa prema Hrasnici stekli su se uslovi da se navedeni projekat realizira na zadovoljstvo građana Hrasnice, Ilidže, ali i Kantona Sarajevo. Potpisan je Sporazum o regulisanju međusobnih prava i obaveza na realizaciji izgradnje tramvajske pruge Ilidža-Hrasnica. Sporazum su potpisali 8. novembra 2019. načelnik Općine Ilidža prof.dr. Senaid Memić i ministar saobraćaja Kantona Sarajevo Adnan Šteta.

Strane potpisnice su saglasne da je procijenjena investiciona vrijednost projekta 40 miliona KM. Općina Ilidža ovim sporazumom se obavezala da će sufinansirati projekat izgradnje tramvajske pruge u iznosu do 25 posto investicione vrijednosti, a u skladu sa raspoloživim mogućnostima, te da će riješiti imovinsko-pravne odnose kao i pribaviti građevinske dozvole za tramvajsku prugu i potrebne saglasnosti za izvođenje radova. Ministarstvo se obavezalo da će sa Ministarstvom finansija KS pokrenuti proceduru vanjskog zaduživanja za obezbijedenje finansijskih sredstava iz kredita sa garancijom države BiH za realizaciju ovog projekta.

„Općina Ilidža već dugi niz godina intenzivno radi na izvedbenom planu projekta pruge Ilidža - Hrasnica. Tramvajski saobraćaj je ekološki najbolji i najkvalitetniji vid saobraćaja u većini zemalja. Sa Vladom Kantona imamo zajednički interes, a to je, da san građana Ilidže više od 40 godina da će se napraviti tramvajska pruga postaje java. Dogovor je da iduće godine počinjemo sa radovima“ izjavio je načelnik Memić, te zahvalio Vladi Kantona Sarajevo na razumijevanju, važnosti i vrijednosti problema i značaja ovog projekta. Dodao je kako je napravljena čitava avenija prema Hrasnici za realizaciju ovog kapitalnog projekta.

trolisana. Tražimo da zdravstveni sistem i servis budu jednaki za ove ljudi i domaće stanovništvo, te da se prvenstveno povede računa o porodicama i da se one u prioritetu rješavaju i smještaju. Spremnimo angažovati do 50 volontera, fakultetski obrazovnih ljudi da preuzmu ono što je obaveza u brizi za ove ljude. Za stanovnike kampa i uposlene nemoguće je koristiti gradski prijevoz te smatramo da se mora organizovati poseban prijevoz kako ne bi bilo haosa u kretanju. Tražimo da se daju finansijske garancije za sve moguće štete i obaveze organizatora i lokalne zajednice. Tražimo angažovanje općinske inspekcije za sve komunalne posljedice i potrebe. Nadamo se da ćemo o svim dokumentima i ugovorima biti blagovremeno upoznati i u najmanju ruku konsultovani. Također, Općina Ilidža poštuje odluku većine, odnosno Vlade KS i insistira na humanosti koja mora biti važnija od političkih interesa.

## Stav načelnika Općine Ilidža po pitanju migranata

U povodu priče o migrantima po raznim medijima a koja se odnosi za Općinu Ilidža načelnik prof.dr. Senaid Memić smatrao se obaveznim da objavi svoj stav po tom pitanju.

- Nemoguće je da se bilo šta radi na našem području, a da ne postoji službena korespondencija sa nadležnim za rješavanje ovog problema. Ni Vijeće ministara ni Vlada Federacije BiH se zvanično nisu obratile Općini Ilidža.

- Postoji dogovor općina iz Kantona Sarajevo i Vlade Kantona Sarajevo da smještaj migranata bude pod određenim uslovima i određenog kapaciteta disperziran na čitavom području Bosne i Hercegovine.

- Normalno je da će stanovništvo MZ Blažuj i drugih dijelova općine Ilidža negodovati i štititi se od loših posljedica mogućeg smještaja. Naš uslov za ovo je bio da se ne dozvoli kaos nego da se ljudski postupa uz apsolutnu kontrolu kretanja i ponašanja kao i stanja migranata.

- Kako ne bi pojedini mediji i pojedini funkcioneri prebacivali teret na lokalnu zajednicu izjavljujem da smo spremni pomagati i sarađivati u svemu što će Bosnu i Hercegovinu prikazati humanom državom, a nismo spremni prihvatiti odgovornost za bilo čiju nesposobnost od nivoa države do nivoa Kantona.

- Opominjem da ne postoje ni policijske ni političke snage koje mogu ovaj problem kanalisati, te očekujem da plan funkcionisanja bilo čega što ima veze sa lokalnom zajednicom mora biti prihvaćeno od lokalne zajednice.

- Pozivam da svi koji imaju obavezu učine sve da ovaj problem bude riješen ljudski, pošteno i onako kako ćemo sačuvati i naše i dostojanstvo žrtava migrantske krize.



„Ovaj projekat je od interesa za sve građane Kantona Sarajevo, a ne samo Ilidže. Cilj Vlade Kantona Sarajevo da što je moguće više poveže javnim prijevozom, tramvajima i trolejbusima sve općine u Kantonu Sarajevo. Od iduće godine gradi se najmodernija pruga obostrano od 13km, sa dvije okretnice, sa modernim sistemom naplate i video nadzorom“ rekao je ministar saobraćaja Šteta.





## Budžet po mjeri građana

Općinsko vijeće Ilidža je na 31. redovnoj sjednici održanoj 31. oktobra 2019. u Multifunkcionalnoj sali utvrdilo Nacrt Budžeta za 2020. godinu u iznosu od 29. miliona KM i uputilo ga na javnu raspravu od 5. do 13. novembra 2019. godine. Općinski načelnik sa svojim saradnicima učestvovao je u svim mjesnim zajednicama na zborovima građana gdje su provedene javne rasprave o Nacrtu Budžeta Općine Ilidža za 2020. godine. Građani su iznosili svoje primjedbe i potrebe koje bi se trebale uvrstiti u Bužet 2020.

U MZ Butmir na javnoj raspravi održanoj 05. novembra 2019. godine neki od prioriteta koji su istaknuti od strane građana i Savjeta MZ su : izrada provedbeno planske dokumentacije za vodosnabdjevanje ulice Hipodrom u skladu sa RP-om, te izgradnja projektne dokumentacije za izgradnju fekalne i separativne kanalizacione mreže u ulici Butmirska cesta, uključujući i ostale ulice u kojima dolazi do izlivanja. Savjet ove MZ smatra da je potrebno izvršiti asfaltiranje ulice 13. juni od broja 5 do broja 9 uz učešće građana, asfaltiranje kraka ulice Aerodromska od br. 21 do br. 33 uz učešće građana, asfaltirati i krak ulice Poligonska od br. 208 do br. 234, a i asfaltiranje ulice Hipodrom od br. 201 do br. 207. Istaknuta je i potreba izgradnje kružnog toka na spoju ulica Butmirska cesta, Poligonska Aerodromska, kao i izgradnja pješačke staze u ulici Hipodrom od spoja sa ulicom Poligonska, desnom stranom od igrališta. Na javnoj raspravi u MZ Butmir bilo je govora i o pitanjima uređenja vodotoka. S tim u vezi planirana je regulacija male Tilave i Željeznice u pravcu Vojkovića. Također, istaknuto je da treba izvršiti pregled i eventualnu rekonstrukciju mostova u ulicama: Ilirska, Butmirska cesta, Izeta Comare i pješačkog mosta koji spaja ulice Butmirska cesta i Salih Zige. Potrebno je nastaviti sa akcijom nabavljanja PVC kanti za smeće u saradnji sa KJKP "Rad" za kompletan Butmir. Utvrdjena je nužnost izgradnje jedne ili više sportskih ploha sa pratećim sadržajem, te dječijih igrališta sa mobilijarom.

Savjet i građani MZ Donji Kotorac iznijeli su sljedeće prioritete: čišćenje vodotoka rijeke Tilave cijelom dužinom, na potezu od mosta kod polazne autobusne stanice do mosta u Aerodromskoj ulici kod Čolaka, te samu sjecu i čišćenje rastinja u koritu rijeke, izgradnja betonskog mosta u ulici Branilaca Donjeg Kotorca do broja 45, zamjena klupa ispred spomen obilježja kod MZ, regulisanje autobusnog i kamionskog saobraćaja kroz ulicu Tuneli, kako bi se isti zabranio iz pravca RS kroz navedenu ulicu, a preusmjerio iz pravca Aerodromske ulice prema ratnom tunelu DB, te izgradnja manjeg dječijeg parka sa toboganom, klackalicom i lulačkom sa jednom klupom za sjedenje u ulici Tuneli br. 45.

U MZ Sokolović- Kolonija iznijete su sljedeće inicijative: izgradnja tramvajske pruge, nastavak radova na izgradnji saobraćajnice uz rijeku Željeznicu iznad Ratnog mosta, presvlačenje asfaltnom ulice Sestara Elčić (180 metara), Džananova (180 metara), Nihadija (180 metara), Avde Karabegovića (140 metara), Kapetana Hajre Mešića (200 metara), Arnaudija (330 metara), Ferhat paše Sokolovića od broja 69 do broja 81 (120 metara), te Bjelašnička ulica (650 metara), postavljanje video nadzora na raskrsnici ulica Umihane Čuvidine i Hrasnička cesta, ulica Ahmeta Ljubunčića i Hrasnička cesta, u ulicama Most spasa prema Ratnom mostu i raskrsnici kod vaspitno obrazovne ustanove "BOSNA SEMA", u ulici Bjelašnička do br. 2. Građani i Savjet MZ istakli su važnost uređenja obala i korita rijeke Željeznice iznad Ratnog mosta, rekonstrukciju i modernizaciju javne rasprave na području čitave MZ sa efikasnijim rasvjetnim tijelima, projektovanje i izgradnja ambulante porodične medicine u Sokolović- Koloniji na dvije lokacije i to lokalitet gdje je započet Sportsko-rekreacioni centar i lokalitet pored MZ Sokolović- Kolonija. Potrebno je pristupiti izradi projektno-tehničke dokumentacije za lokalitet na kojem se gradi sportska dvorana, započeti projekat dogradnje JU Peta osnovna škola, te pristupiti izgradnji dječijih igrališta sa pratećim mobilijarom na sljedećim lokacijama: lokalitet između ulica Nihadija i Sestara Elčić, te Huseina Dože iz broja 326 - naselje RVL. Također, istaknuto je da je potrebno uraditi nadstrešnice na svim autobusnim stajalištima gdje ih nema, te sanirati one koje su devastirane ili su u jako lošem stanju, te poboljšati usluge u ambulanti porodične medicine angažovanjem trećeg ljekara, stomatologa i pedijatra.

Izgradnja tramvajske pruge jedan je od prvih prioriteta građana MZ Hrasnica I. Savjet je tražio i uklanjanje ograde na saobraćajnici Put Famosa koja u vlasništvu Doma za stara lica Green d.o.o. Prema Regulacionom planu Hrasnica I, potrebno je izvršiti izgradnju putne komunikacije na dionici od Lasičke megare br. 24 do spoja sa ulicom Begluk, sanirati i rekonstruisati plato ispred Doma kulture u Hrasnici sa izvedbom radova ugradnje visokih ivičnjaka, prepreka i zabrane za ulazak motornih vozila i platoa lociranog između objekata kolektivnog stanovanja u ulicama Put Famosa i Šehitluci - lokalitet bijelih zgrada, te rekonstruisati javnu rasvjetu na lokalitetu plato ispred Doma kulture i u neposrednoj blizini ambulante porodične medicine (pješačka staza između ulica Šehitluci i Derviš paše Bajezidagića).

Neke od inicijativa koje su iznijete na javnoj raspravi MZ Hrasnica I je i iznalaženje tehničkog rješenja i obezbjeđenje napajanja vodom naseljena mjesta Šerifići i Jasen, te rekonstrukcija dijela glavne vodovodne mreže od rezervoara na Igmanu do kuća u ulici Bunica. Predviđeno je i čišćenje korita rijeke Bunice na potezu od izvora do ušća ove rijeke u rijeku Večericu, izgradnja niskonaponske elektro - mreže za naselje Zoranovići, kao i postavljanje saobraćajnih ogledala u ulicama Zije Krajine na spojevima krakova za centralnim dijelom ulice i na spoju ulice Jasen, Zoranovići i Šerifići, sa spojem putne komunikacije Krupac - Igman. Također, na postojećim javnim parkinzima nužno je izvršiti obilježavanje parking mjesta, a kako su rekli na na javnoj raspravi MZ Hrasnice I potrebno je izvršiti i izgradnju dječijeg igrališta sa savremenim mobilijarom ispred ulaza u dvorište Četvrtne osnovne škole u ulici Put Famosa br. 34, iznaći adekvatno rješenje za stavljanje kino sale u Domu kulture Hrasnica u funkciju.

Građani, odnosno Savjet MZ Hrasnica II tražili su sljedeće: nastaviti aktivnosti na izgradnji tramvajske pruge Ilidža-Hrasnica, izvršiti asfaltiranje kraka ulice Stari drum od br. 114 do br. 106, dva kraka ulice Zeleni put i izgraditi pješačku stazu sa visokim ivičnjacima u ulici Školska na dionici od spoja sa ulicom Ahmeta Bošnjaka do ulice Školska br.16, postaviti usporivače saobraćaja u ulici Sabita Užićanina od br. 2 do br. 10. Potrebno je izvršiti obnavljanje i postavljanje horizontalne i vertikalne signalizacije na području Mjesne zajednice Hrasnica II, čišćenje rijeke Večericu i postavljanje mreža na koritu također je jedan od zahtjeva građana. Predvidjeti novčana sredstva za rekonstrukciju postojećih objekata u kompleksu

Sportskog centra "FAMOS" i pristupiti izgradnji nogometnog terena sa vještačkom travom i atletskom tartan stazom, te izgraditi sportsku plohu na zelenoj površini u ulici Sabita Užićanina br. 3, 5, 7. Na zboru građana održanom 7. novembra raspravljajući o Nacrtu Budžeta u MZ Ilidža Centar Savjet je iznio sledeće potrebe: rekonstrukcija dijela ulice dr. Mustafe Pintola, krak od kotlovnice Biroa za zapošljavanje, osposobiti podvožnjak koji bi mogli koristiti i osobe u invalidskim kolicima, sanacija pješačke zone između Četvrtne gimnazije i Prve osnovne škole, pristupiti rekonstrukciji mosta na Magistralnom putu M-17 (ograda) također i postaviti autobusko stajalište sa nadstrešnicom na magistralnom putu M-17.

U MZ Lužani potrebno je izvršiti: asfaltiranje ulice Banjska od br. 12 do kraja, nastavak asfaltiranja ulice Karima Zaimovića od br. 5 do br. 14, izgraditi nedostajuće kanalizacione mreže u naselju Vruci i tri kraka ulice IV Viteške brigade od br.44 do kraja ulice, izgraditi niše u ulici Velika Aleja do kraja ulice i Samira Čatovića Kobre.

Savjet MZ Vreoca tražio je: rekonstrukciju dijela ulice Lužansko polje od semafora do kružnog toka, asfaltirati stazu koja se nalazi uz korito rijeke Željeznice od novoizgrađenog pješačkog mosta do mosta M-17, ali i postaviti osvetljenje na ovoj stazi. Vršiti ravnanje makadamskih saobraćajnica i nasipanje istih u ulici Konaci, a i postavljanje ležećih policajaca u ulici Vreoca i Blažujki drum.

Na javnoj raspravi u MZ Vrelo Bosne izneseni su neki od prioriteta : asfaltiranje krakova ulice Mitrići uz učešće građana, rekonstrukcija ulice Magistrala, izgradnja kružnog toka na raskršću Magistralnog puta M-17 - Plandište - Vrelo Bosne, regulisati otpadne vode na autobusnim stajalištima Vrelo Bosne na relaciji Ilidža-Hadžići i Osjek, izvršiti iluminaciju Rinskog mosta kao i osvetljenje.

Na javnoj raspravi o Nacrtu budžeta za 2020. godinu, Savjet i građani u MZ Blažuj naveli su neke od prioriteta: asfaltiranje ulice Vlakovo od br. 21, izgradnja kružnog toka na brzoj cesti kroz MZ Blažuj u ulici Blažuj br.84 na lokaciji kod restorana Mujanić, asfaltiranje ulice Vlakovo od br. 422 do br. 416, izgradnja pješačke staze dio ulice Kamenolom od "Gorenja" kod podvožnjaka do br. 54 kod česme, rekonstrukcija ulice Vlakovo od početka uspona od groblja Vlakovo do spajanja s ulicom Gornje Vlakovo oko 500 metara. Rekonstrukcija, osvetljenja potputnjaka kod ulaza u PAK centar i postavljanje staze za invalide, izgradnja zaštitne ograde od skretanja prema školi pored firme JUB i dalje u pravcu Vlakovo do br. 21 izgraditi dječije igralište u ulicama Plantaža neposredno pored izgrađene džamije, rekonstrukcija mosta pored rijeke Zujevine i pješački mostić u ulici Vlakovo iza pruge, sugestija i prijedlog je građana ove MZ.

Na javnoj raspravi održanoj 11. novembra 2019. godine neki od prioriteta koji su izneseni od strane građana i Savjeta MZ Rakovica : izvršiti rekonstrukciju ulica Gornja mahala, Česma, Buhotina, Zenik, Šamin gaj Stanjevac/Rukodol od kraja novog asfalta do raskršća i krak prema Rukodolu, Kobiljača spoj kraja novog asfalta sa magistralnom cestom, Bistrički put, spoj sa ulicom Česma, izvršiti krpažu udarnih rupa u ulicama Kakrinski put, Gornja mahala, Zenik, Buhotina, Česma. Na raspravi je zaključeno da treba obezbijediti svim građanima koji imaju tehničke uslove za priključak objekata na gradsku vodovodnu mrežu, a nisu potpisali ugovore u vrijeme trajanja akcije da potpišu ugovor sa Općinom Ilidža, ali da treba riješiti problem odvodnje oborinskih voda sa magistralne ceste uz pješačku stazu pored Osnovne škole.

Prioriteti MZ Osjek: nastavak izgradnje saobraćajnice od mosta prema ulazu u Osjek, asfaltiranje putne komunikacije između ulica Nadosjek i Mratnjevače, izgradnja nove putne komunikacije između ulica Nadosjek od br.190 sa ulicom Hendekusa, rekonstrukcija ulice Hendekusa od br.172 u dužini od 400 metara, izgradnja isključne trake sa brze ceste prema Toyoti, asfaltiranje ulica uz učešće građana u ulicama gdje se iskaže zainteresovanost građana. Prioritet je i nastavak radova na regulaciji korita rijeke Zujevine, nizvodno i uzvodno po 100 metara.

MZ Otes: rješavanje imovinsko-pravnih odnosa i asfaltiranje ulice Sastavci po RP, rekonstrukcija ulice Rahima Čatovića, asfaltiranje pješačke staze u ulici Dragana Kulidžana od objekta MZ-e do taksi štanda u dužini od 100 metara, asfaltiranje pristupnog puta u ulici Rahima Čatovića po RP Otes, asfaltiranje spoja ulica Cap Anamour i Trig Oteškog bataljona u dužini od 70 metara, izgradnja dječijeg igrališta u ulicama Terovića, Dragana Kulidžana, te rekonstrukcija sportske plohe.

Na javnoj raspravi o Nacrtu budžeta za 2020. godinu, Savjet i građani u MZ Stup istakli su sljedeće potrebe: dopuna RP Energoinvest, tj. da se pristupi izradi regulacionog plana u čijem bi sveobuhvatu bila lijeva strana ulice Pijačna, kao i ulica Tvronička do željezničke pruge Sarajevo-Ploče, izuzev objekta Energoinvesta, rekonstrukcija ulice Skladi od br. 2 do izlaza u ulicu Duglodi, izgradnja pješačke staze u ulici Hifzi Bjelavca, nastavak izgradnje biciklističke staze na potezu Ilidža-Stup, pokretanje inicijative za izgradnju kružnog toka na raskrsnici ulice Bojnička sa ulicama Trešnje i Uglješe Uzelca, izgradnja pješačke staze u ulici Uglješe Uzelca od br. 66 do br. 155, rekonstrukcija svih sfernih ogledala koja su devastirana, izgradnja mosta na rijeci Dobrinji u ulici Pijačna. Građani su tražili na javnoj raspravi i iznalaženje načina alternativnog zagrijavanja u zimskom periodu u cilju smanjenja zagađenosti zraka, izgradnju ambulante u naselju Duglodi, kao i izgradnju dječijeg igrališta u naselju Duglodi.

Izgradnja škole u MZ Stup II, glavni i hitan je problem koji se treba riješiti, rečeno je na javnoj raspravi 13. novembra. Dogradnja objekta Mjesne zajednice, Doma kulture, pošte i ambulante te hitno rješavanje bezbjednosti saobraćaja u ulici Kurta Schorka od Stupske petlje do Aerodroma tj. gužvi na raskršćima Kurta Schorka-Stupska i Kurta Schorka - Kasindolska, rekonstrukcija saobraćajnica u ulici Nike Kolumbića, rekonstrukcija saobraćajnice u ulici Lepenička od br. 62 do br. 76, proširenje Kasindolske ulice sa trotoarima, postavljanje odgovarajućih izbočina za usporavanje brzine kretanja vozila na saobraćajnicama prema preporuci stručnih lica, te na raskršću ulica Kasindolska i Nikole Kolumbića šake postaviti saobraćajne znakove, te izgradnja mosta na rijeci Dobrinji u ulici Kasindolskih žrtava. Na javnoj raspravi u MZ Stupsko brdo građani su, između ostalog, iznijeli sljedeće potrebe: asfaltiranje, rekonstrukcija i proširenje ulice dr.Slive Rizvanbegović na potezu između bloka zgrada i Hifa pumpe, rekonstrukcija i proširenje ulice dr. Kasima Begića od potputnjaka u dužini oko 100 metara prema tramvajskom pothodniku, sanacija javne rasvjete u ulicama krak ulice Džemala Bijedića između zgrade "Avaza" i Doma penzionera, planiranje i ucrtavanje objekata za sport i rekreaciju i to: fudbalski teren, dječija igrališta sa pratećim mobilijarom,kao i uklanjanje ili adekvatno obezbjeđenje ruševnih objekata u krugu bivše kasarne Nedžarići u ulici Olivera Ibrahimovića br. 26 i 28, i u ulici Stupsko brdo br. 8 i 10.





## Zajedničkim kapacitetima do bolje zdravstvene zaštite

**D**elegacija Javne ustanove Doma zdravlja Kantona Sarajevo predvođena v.d. generalnim direktorom Mehmedom Kulićem posjetila je 13. novembra 2019. Općinu Ilidžu.

Načelnika prof. dr. Senaida Memića informisali su o potrebi Organizacione jedinice Dom zdravlja Ilidža po službama i to o pitanju mobilijara i osnovnih sredstava kao i o pitanju održavanja objekta.

Načelnik Memić je ocijenio da građani Ilidže zaslužuju da imaju iste uslove zdravstvene zaštite kao i svi građani u Kantonu Sarajevo i na tome, kako je rečeno, zajedničkim kapacitetima će raditi.

## Općini Ilidža odobreno 30.000 KM za sportske plohe u Nedžarićima

**U**govor o korištenju sredstava iz tekuće rezerve Budžeta institucija BiH i međunarodnih obaveza BiH potpisan je 27. novembra u zgradi državnih institucija.

Ugovor su potpisali načelnik Općine Ilidža prof.dr. Senaid Memić i u ime ministra civilnih poslova BiH Adila Osmanovića, njegov pomoćnik Adis Osmanović.

Ovim Ugovorom se odobravaju sredstva u iznosu 30.000 KM za izgradnju sportskih ploha i dječijih igrališta u Nedžarićima.

Općina Ilidža će angažovati nezavisnu reviziju u skladu sa međunarodnim revizorskim standardom, gdje će od revizora zahtijevati da provede "procedure verifikacije troškova projekta" i dostavi izvještaj o stvarnom nalazu Ministarstvu.



## Općini dato na privremeno korištenje dio prostora nekadašnje kasarne Nedžarići

**O**dlukom Vlade Federacije BiH 50.787 kvadratnih metara zemljišta sa pripadajućim objektima nekadašnjeg dijela bivše kasarne Nedžarići dato je na privremeno korištenje Općini Ilidža, bez naknade.

Zvanično ustupanje dijela bivše kasarne Nedžarići od strane Vlade Federacije BiH u korist Općine Ilidža izvršena je 28. novembra u krugu bivše kasarne.



Lejla Kreševljaković- Gagula, predstavica Vlade FBiH i član Komisije za primopredaju, uručila je načelniku Općine Ilidža prof.dr. Senaidu Memiću dokumentaciju kojom se na deset godina daje prostor na privremeno korištenje bez naknade.

"Već u dva navrata smo tražili da nam se ovaj objekat odnosno prostor ustupi na korištenje, jer je to jedini način da se održava i da bude u korisnim namjenama. Dobili smo saglasnost od Vlade FBiH. Prostor ćemo očistiti i isplanirati određene objekte koji će služiti za rekreaciju stanovnika i djece. Prostor treba biti od koristi za ljude koji ovdje stanuju" izjavio je načelnik Memić. On je dodao da se razgovaralo sa predstavnicima Općine Novi Grad da zajednički isprojektuju prostor za rekreaciju, jer je je Aleja Bosne Srebrene granica između dvije općine.





## Nabavljeno 1200 kanti za odlaganje otpada

Općina Ilidža je nabavila 1200 kanti za odlaganje otpada. Za te namjene izdvojeno je 48.520,45 KM. Nabavku i dopremu PVC kanti izvršila je firma P.D. "FARO" d.o.o. Zenica.

Nabavljeno je 500 komada PVC kanti od 120 litara žute boje namjenjene za reciklažni otpad, 500 crne boje, 120 litara za miješani otpad, 100 komada PVC kanti od 240 litara za miješani otpad, crne boje, te od 240 litara žute boje, 100 komada. Kante su podijeljene u MZ Hrasnica II i to u ulicama: Botulje, Glavogodina, Stojčevac, Jasike, Uzunovića sokak, Mirsada Foče i dio ulice Igmanskih bataljona. U narednom periodu će se nastaviti podjela i to još 350 kompleta PVC kanti. Na osnovu sporazuma sa KJKP RAD d.o.o. Sarajevo podijeljeno je 250 kompleta kanti, gdje je svako domaćinstvo dobilo po jednu žutu i jednu crnu kantu.



## U Općini osposobljeni službenici za komunikaciju sa osobama oštećenog sluha

Općina Ilidža i Savez udruženja osoba s cerebralnom paralizom Federacije Bosne i Hercegovine su realizovali inicijativu "Komunikacija sa osobama oštećenog sluha, obaveza inkluzivnog društva", u sklopu projekta "Dijalog za budućnost" koji implementiraju UNDP, UNICEF i UNESCO u partnerstvu sa Predsjedništvom Bosne i Hercegovine. Projekat "Dijalog za budućnost" finansira se sredstvima Ureda Ujedinjenih nacija za podršku izgradnji mira.

Emina Idrizović i Sabira Kaljić, uposlenice Općine Ilidža su uspješno završile obuku koja se odnosi na osnovne komunikacije osoba sa oštećenim sluhom.



## Održana panel diskusija "Kroz život bez nasilja"

U četvrtoj gimnaziji Ilidža 27. novembra 2019. održane su četiri radionice za učenike/ce osnovnih i srednjih škola s područja općine Ilidža i panel diskusija "Kroz život bez nasilja".

Oko 80 učenika/ca imalo je priliku upoznati se sa vrstama nasilja, s akcentom na vršnjačko, rodno zasnovano i cyber nasilje. Po završetku radionica provedena je panel diskusija s građanima/kama Općine Ilidža, na kojoj su govorile Nermína Vehabović-Rudež, psihologinja i psihoterapeutkinja i Hamida Memišević, članica Komisije za zaštitu ljudskih prava, predstavke i prijedloge u Općinskom vijeću Općine Ilidža.

„U manje od dva sata uspjeli smo naučiti šta je to sve nasilje, a o tome nemamo priliku često slušati i uvidjela sam koliko je važno govoriti o ovoj temi. Posebno mi je bilo interesantno učiti o cyber nasilju jer smo mi učenici svakodnevno okruženi ovom prijetnjom“, rekla je Rijalda Ragipović, učenica Pete osnovne škole Ilidža.

Nermína Vehabović-Rudež istakla je koliko je važno da cijela zajednica bude ohrabrena prepoznati i prijaviti nasilje.

„Važno je i da profesionalci budu sposobni prepoznati nasilje, ljekari, prosvjetni radnici ili policija i da reaguju na nasilje“, kazala je Vehabović-Rudež i dodala da policija mora reagovati na svaku prijavu nasilja, po cijenu da je to pedeseta prijava iz iste porodice.

U uvodnom obraćanju na panel diskusiji obratila se Azra Jahić, predsjednica Komisije za zaštitu ljudskih prava, predstavke i prijedloge pri Općinskom vijeću Općine Ilidža i predstavila rezultate istraživanja koje je ova komisija provela u proteklom periodu. Rezultati istraživanja pokazali su da čak 47 posto stanovnika općine Ilidža smatra da žene ne trebaju imati ista zakonska prava kao i muškarci, a 66 posto stanovnika Ilidže smatra da žrtve nasilja ne prijavljuju nasilje zbog sramote i osude javnosti.

Sve aktivnosti su provedene u sklopu Gender akcionog plana Općine Ilidža i globalne kampanje, 16 dana aktivizma protiv rodno zasnovanog nasilja.

Skupu se obratio i načelnik Općine Ilidža prof.dr. Senaid Memić koji je dao podršku ovakvim aktivnostima, istakavši da je protiv svih oblika nasilja.







## Pomoć za oboljelu kćerku policajca Fahrudina Hukare

“Udruženje Veterani policije 91-95” Općine Ilidža je provelo akciju pomoći za teško oboljelu kćerku kolege Fahrudina Hukare. Član udruženja Fahrudin Hukara ima teško oboljelu kćerku Nejru, rođenu 2006. godine, koja je bila hospitalizovana na Pedijatrijskoj klinici Kliničkog centra Univerziteta u Sarajevu radi dijagnostičkih pretraga i liječenja u periodu od jula do oktobra 2019. godine. Konstatovana joj je dijagnoza: Hepatitis autoimmune typus I, Cholangitis sclerosans, Cirrhosis hepatitis, Varices oesophagei gr II/III, Lupus erythematosus systemicus, Hyperthyreosis, Hyperglycaemia iatrogenica, Sy PSO in obs, Scoliosis thoracalis dextroconvexa. Konzilij je zaključio da joj je neophodna transplantacija jetre.

Operacioni zahvat se izvršio u Turskoj, a donor je bio otac, aktivni policajac. Troškovi operacije su 60.000 eura koje porodica nema. Otac, kćerka, majka i brat su u trenutku pokretanja akcije prikupljanja novčane pomoći već bili u Turskoj. U akciji koja je trajala od 01. novembra -15. novembra 2019. prikupljeno 1.550,00 KM, odnosno ukupno uplaćeno 1.750,00 KM na Fahrudinov transakcijski račun.

## Obilježen Svjetski dan borbe protiv dijabetesa

Udruženje djece i omladine oboljelih od dijabetesa Kantona Sarajevo, učenici Treće osnovne škole Ilidža i roditelji su 14. novembra ispred zgrade Općine Ilidža, uz podršku načelnika prof.dr. Senaida Memića organizovali besplatno mjerenje šećera u krvi za sve zainteresovane đake i prolasnike.

Iz Udruženja su izrazili zahvalnost roditelji djece oboljele od dijabetesa Općinskom načelniku koji podržava program rada ovog Udruženja kroz finansijske akcije i akcije besplatnog mjerenja šećera u krvi.

Svjetski dan borbe protiv dijabetesa obilježava se od 1991. godine, a utemeljile su ga Međunarodna federacija dijabetičara (IDF) i Svjetska zdravstvena organizacija (SZO).

Više od 425 miliona ljudi u svijetu trenutno živi sa dijabetesom. Većina ovih slučajeva je dijabetes tipa 2, koji se može pravilno tretirati i bolest držati pod kontrolom kroz redovnu fizičku aktivnost, zdravu i uravnoteženu ishranu, promociju zdravog životnog okruženja i podršku porodice.

Cilj koji je Svjetska zdravstvena organizacija postavila u pogledu širenja dijabetesa je zaustavljanje pojave ove bolesti, dok su ciljevi za neke druge masovne nezarazne bolesti smanjenje broja oboljelih.

## Održana radionica na temu “Ekologija za djecu predškolskog i osnovnog školskog uzrasta”

U organizaciji Ekološkog udruženja “Aleja” realizovan je projekat pod nazivom “Ekologija za djecu predškolskog i osnovnog školskog uzrasta”. Projekat je realizovan 16. novembra 2019. godine, u sali Druge osnovne škole u Hrasnici. Učesnici projekta bili su učenici Prve, Druge i Devete osnovne škole i djeca predškolskog uzrasta.



Učesnici su uz praktičan rad, saslušali i predavanje o reciklaži, odnosno kako iskoristiti otpad u izradu korisnih predmeta, koji se mogu koristiti u svakodnevnom životu. Na kraju su dodjeljeni pokloni i zahvalnice za sve učesnike. Projekat je finansirala Općina Ilidža putem Javnog poziva.

Općina Ilidža ovakve projekte finansira već sedam godina, u kojem je do sada učestvovalo na stotine djece predškolskog i osnovnog školskog uzrasta.







## Udruženje “Bašlija” u Novom Sadu

**F**olklorna sekcija prosvjetnih radnika koja uspješno radi pri Udruženju „Bašlija“ predstavljajući tradiciju u BiH na međunarodnom polju, od 22 - 25. novembra 2019. godine boravili su u Novom Sadu u gostima kod KUD „Prelo“ Čurug. Udruženje “Bašlija” se predstavilo sa dvije koreografije i sevdalinkom u izvođenju vokalne solistice Iman Pašić. Učesnici projekta bili su: Džemal Hurić, Irma Hurić,

Elvira Karasoftić, Eldin Karasoftić, Iman Pašić, Muamera Pašić, Hasena Dudo, Dina Brčić, Ehlimana Imamović, Iman Imamović, Slađana Vrejić, Ferida Brezac, Mirela Čuturić, Aida Hajrić, Enesa Pavlović, Aida Nikšić, Marevac Sanela, Podbićanin Lejla. Pored koncerta imali su priliku da druženje nastave kroz zajedničke sastanke, gdje će razmijeniti iskustva za buduću saradnju.

## Eldin Bučan pobjednik šahovskog turnira

**P**ovodom Dana državnosti Bosne i Hercegovine u MZ Hrasnica I održan je šahovski turnir, na kojem je učestvovalo 13 igrača. Prvo mjesto na turniru zauzeo je Eldin Bučan, drugi je bio Aziz Čosović, treće mjesto pripalo je Nedžad Dediću, Faruk Tahirović osvojio je četvrto mjesto, a peti je bio Fahrudin Čolpa. Organizator turnira je Šahovski klub “Ilidža”. Igrači su turnir igrali po Švicarskom sistemu od šest kola.




## Održan turnir za invalidne osobe „Ilidža 2019“

**T**radicionalni sportski susret za invalidne osobe „Ilidža 2019“ održan je 02. novembra u prostorijama MZ Ilidža Centar.

Turnir je održan u disciplinama streljaštva, šaha i pika-da. Učešće je uzelo 65 takmičara, a najbolje rezultate ostvarili su USRI „Ilidža“ i „Novi Grad“. Na ovom sportskom susretu učestvovali su invalidne osobe iz Kantona Sarajevo i Tuzle.







## Šest medalja za članove KK Champion u Slovačkoj

**N**a Međunarodnom turniru u Slovačkoj - Nitra, gdje je bilo 600 takmičara iz 11 zemalja, članovi Karate kluba Champion ponovo su bili na visini zadatka. Medalje su osvojili: Davud Muhović, Sinan Paljevac, Amin Klino, Eldar Talović, Nada Muhović i Afan Zukić.